

★詠古

阮南叔鳴鵑詩集 (續二)

浩浩水中水有清必有汚。洗洗人間人有哲必有愚。人皆不事者誰其。霍家奴人皆不取者誰其。乞祭餘。

三人心則一所趨。各異途。或苦諫而死。或佯狂爲奴。悲哉王子啓。俾服遂其通。宗國卒淪喪。天下移于周。

許子窘於土。屈身於狂元。終焉有悔心。款款遺之言。天本無分別。人情各有存。成乎血氣性。慷慨與誰論。

世變至於此。英雄當奈何。智哉狄梁公。於中幹旋多卒成。反唐功可免。臣聞恥一向事。婦人何以爲男子。

△丹染阮輝曜公

田橫不見漢。魯連不帝秦。清風激千秋。吾國有其人。惟公當鼎革。時屈志乃伸。從容生死間。飲

毒甘如醇。其事豈不烈。其心篤于仁。自任以綱常。無愧乎冠紳。培養三百年。士類若星陳。李公已昭著。公亦當不泯。緊予好刊述。因文以叙倫。特爲人臣勸。臨危莫愛身。

●豪俠客

鳥中有鷹隼。衆鳥驚。斂翮獸中有虎豹。百獸率辟。易惟人亦有之。豪俠人無敵。當其平居時。檢身何踈踏。纔爲義所動。意氣見衝激。平地風颺起。青天雷霹靂。世間不平事。一劍了然釋。死重且不顧。財輕何足惜。傾囊濟窮乏。一諾黃金百。爲人排患難。大華可手擘。功成拂衣去。邈若雲無迹。惟餘磊落名。是謂豪俠客。

●申包胥

子也必覆楚。我也必復之。古人意義交。有言不相欺。秦庭七日哭。竭力所當爲。豈惟伸大義。亦以答相知。

阮南叔鳴鶴詩集

△挽協鎮壽如侯

南國功臣全局歸無端。窮士亦沾衣。感公知己。言猶在。嗟我投人計。已非萬頃襟懷。空浩浩。三陲事業尙巍巍。峴山不用留碑碣。墨洞雲霞像德碑。
公築室墨洞山下。

▲珥河

一勺崑崙萬古波。珥河大勢象黃河。不妨見濁渾渾在。自是藏清皎皎多。歸海一心元不息。抱城半面鎖相過。竭來無限推移感。時倚新亭發浩歌。

●聞叔父禮部參知公訃音感作

公字素如。性好獵。自

號鴻山獵戶。庚辰八月初十日卒于富春官舍。

十九年前素如子。一世才華今已矣。吾家厚福公。巧完疫癘何能速。公死三秋淪落北城中。南望鴻山每憶公。歸去家山聞夜獵。精靈恍與曩時同。

◎張子房詠

本以韓公子而爲漢帝師。辰哉三寸舌。可抵萬斤椎。漢業旣以成。韓仇亦以復。富貴我何爲。神仙是所欲。吁嗟信也。族何也。獄功名之際。多憂辱。進從容。退從容。子房之道。其猶龍。

●新春行樂詞

得壽何嫌老。偷閑莫厭貧。心中常自泰。天下共知春。對酒神逾王。看花意轉新。人生行樂耳。無負此佳辰。

★五十一歲行樂之作

行年五十一。斗酒娛歡日。此日不歡娛。古人今在無。古人苟不在。不樂將何待。樂矣且無荒。書中日月長。

◎愁詩

衣被拋南策。身家寄北城。寒風一夕動。愁思百般生。飄泊經年跡。饑寒此日情。不如歸去好。羈絆是浮名。